

Hammi caashaq iyo hungo been ah Q2AAD W/Q: Cabdisalaam Macalin Xirsi



Hammi caashaq iyo Hungo been ah Q2AAD. Waxay xaaladdu sidaa ahaatoba, maalin ayay gabdhii wiilkii u sheegtay arrin uusan jeclaysan, arrinka Nasra ay Axmed u sheegtay waxa uu ahaa, in ay jirto arrin ay in badan maskaxdeed ku haysay, jecleydna in ay sameeyso bilowgii jeceylkooda, balse, ay ka ga baaqsatay sababo la xiriira in aysan isaga si qota dheer u aqoon oo ay barasho ugu laabneyd, balse, hadda ay baratay kuna kalsoontahay wax walbana markaan u furan yihiin in ay la wadaagtey .Axmed oo hadalka ka soo dhexgalay raagsadayna waxa loo sheegaayo ayaa yidhi: ?Gacaliso waad mahadsantahay ee arrinku muxuu yahay?? Waxay u sheegtay in ay doonayso in ay is barto gabar ay saaxiib weyn yihiin, , haddana ay meel wada joogaan gurina wada degan yihiin, sidoo kale waxay intaas u raacisay si uu ugu kalsoonada una dareemo in aysan wax kale ula jeedin in ay gabarta ay baraysaa tahay gacanteeda middig oo aysan marnaba ka maarmin, sidaas darteed ay jeclaatay aadna u danaynayoso in ay is barto saaxiibkeedda cusub ee ay jacaylka wadaagaan iyo saaxiibteeda ay dhib iyo dheefba wadaagaan. Ahmed soo jidintaas markii hore sooma dhoweyn waana ka biyo diiday, wuxuuna u arkay mashaqo cusub iyo qodax sun leh oo jeceylkiisa mudi karta, sidoo kale in ay gabartaasi keeni karto dhibaato hor leh oo xalkeedu gadaal ka adkaan doono ayuu is tusay, qalbigana waxaa ugu soo dhacday maahmaahdii soomaaliyeed ee ahayd: ?Daad intuusan ku soo gaarin ayaa layska moosaa? .Markaasuu ku yidhi weliba asaga oo si naxariis leh ula hadlaaya, hadalka jilcinaya macaaneey jeceylkeenu in uusan qof seddexaad u baahneen ayaan anigu u arkaa, ee maad naga dayside qof jeceylkeena hadhow xagal daac iyo doofaruur u keeni karta!. Nasra oo la yaaban Axmed oo arrin ay soo jeedisay ka meer meeraaya madaxana malaha gacanta ku haysa oo amakaagsan kelmadaheedana kululaynaysa ayaa axmed ku tiri waryaa heedhe aniga saaxiibbayday jeceylkeena waxna ka jari mayso waxna ku darri maysee maxaad ku diidey in aan maanta saaxiibbayday ku barro?Mase waad isoo nacaysayoo in aad cid iga ag dhow barato ma rabtid?.Axmed oo Nasro dejinaayo arkayna in ay xaalad abuurayso ayaa ku beer laxowsaday xabiibti anigu waqti aan ku naco ma joogo adiga ayaan habeen iyo maalinba magacaada ku wardiyaye muuqaadana adduunka ugu jeclahaye, maqalka oraaahdaaduna waaba dheefta dhegahaygee waadna ka dheregsantahee, ee arrinka halkaas ha ula kicin, anigu adiga kuma nacaayo saaxiibadaana ma diidaaye, kaliya jeceylkeena ayaan dalool laga soo gali karo ka owdayaaha, dammi dabka aad shidayso noloshaydiiyay. Markaas Axmed waxa uu ilowsanaa in marka dumarku raban in ay ragga barnaamij ka dhaadhiciyaan ay xalad abuuran weliba marka ay ogyihiin in aan laga tegin karin xumaan kama aha, balse arrimahooda ayay ku fushadaan waana wadiiqo in badan u fududaysa. Gabadhii Nasro waa aragtay in Axmed arrinka weli diidanyahay sidoo kale waxa ay aragtay meesha uu ka jilacsan yahay oo markii hore ay lahayd waad i nacaysaa sahan unbay ka ahayd balse hadda waxa ay rabtaa in ay godkaas nacaybka la yiraa degto ciyaarta ka dheesho, markaas ayay tidhi wiilow haddii aad i jeceshay saaxiibayadana waad jeclaa lahayd oo soomaalidu waa ta tiraahda nin aad jeceshay eygiisana waa la jeclaadaaye ee ima rabtide waxaan ku ogaysiinayaa in balaayada ay saaxibaday gadaasha ku wadato ana aysan iga maqneyn ee taas maanka ku haay aboowe taleefoonkii ay kuwada hadlaayeena casaanka ama meesha gaduudan ayay taabatay .Axmed oo arkay in Nasra xanaaqday oo ay dhibsatay diidmadiisa ayaa dib isku milicsaday isna canaantay naftiisii diidmada keentayna canaan iyo cambaarayn isku raaciyay, asagoo naftii la diriyay ayuu jirkiisa halmar eegay waase asagii oo wada qoyay ogaadii jirkiisuna wadda biyo noqotay maxaa ku qoyay ayuu is waydiiyay waase ogaaday in uu dhididay. Axmed suntii caashaqa ee mar hore gaartay ayaa ka dhididsiinaysa ee xanuun kale ma hayo. Tan kale Axmed in uu Nasra ka xaanajiyo marnaba asagu ma rabin ee way dhacday xitaa

ma habsan in ay xanaaqday kaliya taleefoonka ,ay goysay ayada oo aan la socod siin ayaa welwel baaxad wayn ku abuurta.Axmed ayaa is arkay isaga oo gunuunucaya,furuuryaha kala qaaday oo ku hadaaqaaya heestaan:Sida ubadku hooyaduSaxarka uga dhawrteU Salaaxdo oogadaQalbigaad sifeysaaSirgacana ka dhawrta.Malaha heestaan waxa uu ula jeedaa naftu markay cariiri dareento waadigii usoo gurman jiree maanta maadigaa hulac ku furay oo kululaynaya qof kale darteedna hadal aanan jeclaysan iiga oranaya adduunyow xaalka ba' ayuu ku calaacalay.Markii hore gedacabuu u jiiifay hadda waa kan hinqaday,oo waa kan kadaloobsaday oo fikiraaya muxuu ku fikiraya? wiilku maxaa ka qaldan? yaa wax ku sameeyay? wax kale kuma dhicin balse Nasra ayaa hadal ku kululaysay! Ar ninku beer jilacsanaa? Keligiis maaha ee waa nin kasta oo jacayl laabtiisu degaa inuu yahay mid nugul. Axmed markuu cabbaar joogey ayuu wacay Nasra kuna yiri: Gacaliso wax walba dartaa ayaan u samaynaa ee i bar abaayo waxba kama qabee ayadoo aragtay in ay guulaysatay oo siday rabtey loo yeelay, ayaan tiri intaas unbaan kaa rabayu qaaliyow hadadna saaxiibaday ayaan ku barayaahee ogow soona diyaar garow.Axmed oo si niyad ah ayuu neefsaday korkiina waa u qaboobay oo layr caafimaad oo ka soo kicitintey meesha ay joogto ayaa dulmartay markii ay qaali ku tiri, wuxuu yiri waa aqbalay waana sii diyaar garoobayaa .Nasra dhanka saaxiibadeed Najma oo maanta dhan war ka sugaysay sariirteedana dhabarka ku haysa sidoo kale hadalkii kulkulaa ay axmed iyo nasra isdhaafsanyeena maqlaysay ,natiijadii ka soo baxdayna raagsanaysa ayay Nasra soo dul istaagtay hadal ay Najma rabtana uga naxsatay ayadoo dhoolacadaynaysana ku tiri Axmed waa diyaar waan ku barayaa saaxiib ee ninka si fiican iiga hubi in u yahay mid ii qalma iyo in kale,Najma ayaa hadalkii ku qabsatay kuna tiRi waa ogaa in aad tahay qof saaxiib lala noqdo mida ugu wanaagsaney, mar walbana garabkaaga ayaan ahay, ee hadda wac, Nasra ayaa qabsatay telefoonkii, waxaana baxay dhawaqa telefoonka axmed, Dhala dhalalow dhalalalow.